

[Sápmi](#) 21.12.2015 klo 7:20

RAY háliida doarjut SámiSoster -searvvi badjel 600 000 euroin

RAY evttoha doarjaga earret eará Goaikkanas-, Birgen ruovttus -, Muittohallat-, Buorre boahhteáigi - ja Boade mielde -fidnuide.



Govva: YLE

Ruhtautomáhtasearvi RAY lea evttohan Sámi Soster -searvá oktiibuot 677 430 euro doarjaga jahká 2016. Dat lea eambo go dán jagi, go SámiSoster oaččui Ruhtautomáhtasearvvis 597 000 euro.

RAY evttoha doarjaga earret eará Goaikkanas-fidnu gárrenávnnasbargui Sámis, Birgen ruovttus - fidnu eallilan olbmuid buresbirgejumi buorideapmái, Muittohallat- fidnu sámiid muitobuohccivuodaid dikšumii, Buorre boahhteáigi -fidnu boazosámiid buresveadjima ovddideapmái ja Boade mielde -fidnu bálkkáhit searvá bargguhis nuora oahpposoahpamušain.

RAY ruhtajuolludemiin mearrida loahpalaččat sosiála- ja dearvvasvuodaministeriija. RAY evttohus giedahallojuvvo ministeriijas ođđajagi-guovvamánus 2016.

Olles listu ruhtajuolludemiin gávdno [RAY neahttasiidduin](#).